



Aqqalu C. Jerimiassen
Atassut

UKA 2021/166
04. november 2021

Illoqarfinni nunaqarfinnilu, immap tinittarnera ulerujussuartarneralu pillugit, angallatinut umiarsuarnullu talittarfiit qarsunneqartaleriartuinnarneri, isumannaannerusumik aaqqissunneqarnissaat siunertaralugu, UKA2022-mut naammassereersimasussamik Naalakkersuisut pilersaarusoqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Siverth K. Heilmann, Atassut)

15. november 2019 oqaluttuarisaanermi aatsaat taama annertutigisumik Ilulissani malissuarunarpooq iisaqusanneranik (iluliarsuup aserorneranit) pilersitaanngitsumik, ilaatigut allaat angerlarsiffinnit pingasuusunit inuttaasut allamut qimagutitikkallartariaqarneranik kingunilimmik, sorpassuillumi pisattat allarpassuillu aseruatiterneranik kingunilimmik.

Tassuunalu uppernarseeqiinnarujallaraarput pinngortitarput aqussinnaanatigu, allangngoriartuarneratali kinguneranik naleqqussartuarnissarput avaqqunneqarsinnaanngilaq, kingusinaartingatalumi iliuuseqartariaqarluta ajertoqaratarsinnaanerali utaqqiinnarunnaalaarlugu.

Ajutoortoqareerpammi peqqissimineraasiit kingulliutilillarutsigu oqaaseq atorneqartariaqanngimmat; taamaalioreersimasariaqarluarpugummi.

Tamatta akisussaafeqarpugut inuaqatigut illersussallugit isumannaatsumik inuuneqarnissaannut, tassanilu sineriammi tamatta najugaqartuungatta ulinnertusineruleriartornera nalimmassaqqiffiginissaanut piaartumik iliuuseqartariaqarnitsinni ataatsimoortumik periusissiaqartariaqarpugut isumannaatsumik inuusuaannaqqulluta.

Ukiut kingulliit malunnarneruleriartopoq kiannerusarnerani arlalitsigut imartatsinnut imaannaanngitsumik kinguneqartarnera, takuarpummi Paamiunissaq qanoq pisoqarnera, tamannalu maanna ersereersimalermat naleqqussartariaqarnitta pimoorulluinnarlugu aalluttariaqalersimaneranit ertiuteqartiiginnarpoq.

Nunarsuatsinni sapusiortarnerit, talittarfinnillu ulittarneranut tinittarneranullu immikkukajaaq naleqqussakkanik ilinniarfeqarniarsinnaavugut. Ajunaarnersuartummi ittunik nunarsuup ilaani misillertsimanerminni sakkortungaartunik ilinniarfeqartarsimapput, naallu naalliunnartunik nalaataqarfigisarsimagaluqaqlugit nalaatatik uterteqqikkusunnagit pisinnaasartik tamaat naleqqussartarsimapput qangaaniilli.

Maannaattaarlu ulinnerusalerneranit qeriuannartup innarleriartorusarnerani nunap sisooratartarsinnaanerittaqaq eqqummaariffefqartariaqaratta ajunaarnersuartut ittunik nalaataqariataarnissaq ingalassimatinniarlugu, maannami nunap sisoortalernerattaaq



takusalereerparput nunatta ilaani, tamakku inuup inuuneranik
naleqartariaqanngillat, maannangaaq piffissaatillugu iliuuseqarniarta.

Nalunngerikerisinnangaluarpalput Naalakkersuisut kingumut
allanguutissamik oqariartuuteqassasunaasiit, taannali akissut ila naammalerluarpoq, Inatsisartuni
innuttaasut qitiutinnerusariaqalerpagut sumilu maanna atorfissaqartitsineq malillugu
iliuuseqartariaqalivissoraluarluta pisussaq ajornerusoq utaqquinangu.

Ulinnertusinerujartuinnarnerali kisiat eqqarsaatiginngikkaluarluguttaaq, tinitarnera aamma
ukkatarisariaqarparput, tassami takusareerparput maanna sinerissami inoqarfii ilaanni
tinissimangaarmat talittarfiup ataanut pillutik nunataa imartaarulluni nusimammat tummaqqagaat.

Tamakku isiginnaanginnarniarpaguut?

Ila angallannikkut tamakku tamarmittaqaq isumaqarput, angallatinut ikiniartarnikkut sinerissatsinni
isumannaattumik ulittarneranut tinitarneranullu aaqqiissuteqalertortariaqarpugut.

Inuussutissarsiatimmi nunatsinni annersaat eqqartuleraagatsigu talittarfiit tulattarfiillu
qitiunerpaasutut inisisimasarput, atungassarititaasullu ajuungippatattaaq, tassani
inuussutissarsiorfiusumi eqaannerusumik suleriuseqarnikkut suliat ingerlalluassammata.

Innuttaasut qitiutillugit iliuuseqarniarta maannangaaq, pisussanik utaqqiinnassanngilagut, uagut
inatsisiliortutut pisussaaffigaarput innuttaasut illersussallugit immitsinnut illersorniinnarata,
taakkoqanngippammi maani isersimasinnaanissarput qularnartuummat.

Aaliagiiffissatut siunnersuut aataqqii Siverth K. Heilmann-imik siunnersuusiarineqarsimaasoq
apeqquserneqarsinnaangilaq qanoq pingaaruteqartiginera.

Tamanna pillugu siunnersuut ataatsimoorussamik suliarineqartariaqavinnera innersuupparput
Atassummiit, ataatsimiitsitaliamilu suliareqqinneqartariaqarnerattaaq innersuullugu.